

## 11. gr.

**Ágreiningsefni.**

Rísi ágreiningur vegna reglugerðar þessarar sker félagsmálaráðherra úr, að fenginni um-sögn Almannafræðisins og viðkomandi sveitarstjórnar.

## 12. gr.

**Ákvæði til bráðabirgða.**

Í sveitarfélögum þar sem hættumat hefur farið fram, skal það endurskoðað á grundvelli þessarar reglugerðar svo fljótt sem við verður komið.

## 13. gr.

**Gildistaka.**

Ofangreindar reglur sem settar eru af Almannafræðisins skv. 3. gr. laga um varnir gegn snjóflóðum og skriðuföllum, nr. 28, 4. júní 1985, sbr. lög nr. 50, 7. mars 1995, staðfestast hér með til að öðlast gildi þegar í stað. Jafnframt er felld úr gildi reglugerð um hættumat vegna snjóflóða, nr. 347, 23. júní 1988.

*Félagsmálaráðuneytið, 21. júní 1995.*

**Páll Pétursson.**

*Anna G. Björnsdóttir.*

## SAMÞYKKT

### um búffjárhald á Dalvík.

## I. KAFLI

**Almenn ákvæði.**

## 1. gr.

Samþykkt þessi er sett til að tryggja skipulag, stjórn og eftirlit með búffjárhaldi á Dalvík, koma í veg fyrir ágang búffjár á lóðir bæjarbúa og vernda gróður í landi kaupstaðarins. Samþykktin á einnig að tryggja að hús fyrir búpening, umhverfi þeirra og önnur aðstaða sé þrífaleg og í samræmi við kröfur opinberra yfirvalda.

## 2. gr.

Búffjárhald (alifugla, geita, hrossa, kanína, loðdýra, nautgripa, sauðfjár og svína) er óheimil í Dalvíkurkaupstað, nema með sérstöku leyfi bæjarstjórnar.

Öll lausanganga búffjár í landi Dalvíkur utan lögbýla er óheimil.

## 3. gr.

Nefnd skipuð þrem fulltrúum, einum frá Dalvíkurkaupstað ásamt trúnaðarmönnum búffjareigenda, sbr. 10. gr. samþykktarinnar, skal gera tillögu til bæjarráðs um hámarksfjölda búffjár í landi Dalvíkur.

## 4. gr.

Sá sem hyggst sækja um leyfi samkvæmt 2. gr. skal senda skriflega umsókn til bæjarins. Í umsókninni skal gera grein fyrir tegund og fjölda búfjárins, geymslu þess og öðru sem máli skiptir um öryggi þess og aðhald.

Telji bæjarráð að skilyrði fyrir leyfisveitingu séu fyrir hendi, veitir það leyfið. Leyfið má veita í tiltekinn tíma eða tiltaka ákveðinn frest til afturköllunar. Leyfið er háð gildandi samþykkt um búfjárhald á hverjum tíma og er gefið út á nafn og ekki framseljanlegt.

## 5. gr.

Bæjarstjórn getur ákveðið að búfjáreigendur skuli árlega greiða leyfisgjald fyrir búfé sitt. Við ákvörðun gjaldsins skal bæjarstjórn leita staðfestingar landbúnaðarráðuneytisins, sbr. 12. gr. laga um búfjárhald nr. 46/1991.

## 6. gr.

Byggingarfulltrúi skal halda skrá yfir lönd sem úthlutað er til beitar og slægna. Umsóknum um land til grasnytja fyrir búfé skal koma til byggingarfulltrúa sem úthlutar leyfum, eftir umsögn umhverfismálaráðs. Leyfin eru gefin út á nafn og eru óframseljanleg.

## 7. gr.

Enginn má halda búfé, nema hann hafi fyrir það hús sem samræmist kröfum opinberra yfirvalda. Sama gildir um allt umhverfi húsanna. Leyfishafi ber ábyrgð á því að hann hafi beitiland handa búfé sínu og fóður, svo og allri meðferð búfjárins.

## 8. gr.

Eigandi búfjár ber ábyrgð á að búfé valdi ekki tjóni eða óþrifum. Eigandi skal ganga þannig frá taði er frá skepnunum kemur, að ekki valdi óþægindum eða óþrifum.

## 9. gr.

Ef leyfishafi brýtur ákvæði í samþykkt þessari má afturkalla leyfið, enda hafi leyfishafi ekki sinnt áður veittri viðvörðun.

Hvern þann búfénað sem sleppur úr vörslu skal taka hvar sem til hans næst og færa í örugga vörslu sem búfjárefartilritsmaður (byggingarfulltrúi) sér um. Eiganda skal tilkynnt um gripí sína og gert að sækja þá og greiða áfallinn kostnað, svo sem tjón og kostnað við handsömun. Hafi eigandi ekki hirt um að sækja gripí sína eða greiða áfallinn kostnað innan tíu daga, er heimilt að svipta viðkomandi leyfi til búfjárhalds á Dalvík. Við ítrekað brot á þessum reglum missir leyfishafi rétt til búfjárhalds og verður gripum jafnframt ráðstafað í samræmi við 11. gr. laga um búfjárhald nr. 46/1991.

## II. KAFLI

**Um búfjárhald.**

## 10. gr.

Búfjáreigendafélög á Dalvík skulu tilnefna tvo trúnaðarmenn, sem í samvinnu við byggingarfulltrúa og búfjárefartilritsmann, sbr. 9. gr. laga nr. 46/1991, fylgjast með að leyfður fjöldi búfjár fari ekki yfir sett hámark og umsækjendur hafi hús, möguleika til fóðuröflunar og aðra nauðsynlega aðstöðu, svo sem beitiland.

## 11. gr.

Nautgripi skal hafa á afgirtum tünnum eða löndum og bera eigendur alla ábyrgð á að þeir sleppi ekki út af löndum þeirra.

## 12. gr.

Utanhúss skulu alifuglar og svín vera í stíum, búrum eða á vel afgirtum svæðum, en loðdýr skulu ætíð vera í búrum og bera eigendur alla ábyrgð á að þau sleppi ekki út.

## 13. gr.

Vörslu geita utanhúss skal hverju sinni hagað í samráði við umsjónarmann búfjárhalds, en það er ávallt á ábyrgð eiganda að gæta þess að þær sleppi ekki lausar.

## III. KAFLI

**Um byggingar gripahúsa og lönd til grasnytja.**

## 14. gr.

Byggingar gripahúsa eru einungis leyfðar á ákveðnum svæðum sem skipulögð eru fyrir búfjárhald. Þau gripahús sem fyrir eru í bænum, á svæðum sem ætluð eru til annarra nota en búfjárhalds samkvæmt aðalskipulagi, skulu fjarlægð þegar bæjarráð samþykkir það, með eins árs fyrirvara. Óheimilt er að byggja við þau, endurnýja eða endurbyggja, en gæta skal þess að þau líti vel út.

## 15. gr.

Einstaklingar og félög hesta- og fjáreigenda, sem hafa lönd til grasnytja, skulu leitast við að viðhalda gróðri landsins og efla hann, m.a. með áburðargjöf eftir þörfum og gæta þess að löndin verði aldrei ofbeitt. Byggingarfulltrúi og/eða umhverfismálaráð geta krafist úrbóta og gert tillögu til bæjarráðs um friðun lands ef ástæða þykir til.

## IV. KAFLI

**Ýmis ákvæði.**

## 16. gr.

Brot á samþykkt þessari varða sektum. Með mál út af brotum skal farið að hætti opinberra mála.

Samþykkt þessi sem samin er og samþykkt af bæjarstjórn Dalvíkur, staðfestist hér með samkvæmt lögum um búfjárhald nr. 46, 25. mars 1991, til þess að öðlast þegar gildi og birtist til eftirbreytni öllum þeim sem hlut eiga að máli. Jafnframt er úr gildi felld reglugerð um búfjárhald á Dalvík nr. 484/1981.

*Landbúnaðarráðuneytið, 27. júní 1995.*

**Guðmundur Bjarnason.**

*Jón Höskuldsson.*